



Publicaziuns officialas dils 30-10-2009

Damondas da baghegiar

Nr. 96/2009

Datum da publicaziun: 30-10-2009

Patrun: Gieri Duff, 7175 Sumvitg

Representant: Bearth SA, 7172 Rabius

Object: Construcziun d'ina suoschna per auto cun local da deposit sil tetg plat dil baghetg nr. d'assec. 55E sin parcella nr. 1602 Sumvitg, Cabotsch.

Il profils ein tschentai ed il plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas prote-stas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 30-10-2009

Cumissiun da baghegiar Sumvitg

Rumida da neiv 2009 / 2010

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismessa da neiv star anavos en prioritad alla rumida dils implonts publics d'avertura. Sche pusseivel duei l'incarica vegnir surdada alla vischnaunca mo leu nua che quella procura era la dismessa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats duront gl'unviern proxim ein supplichai d'annunziar quei a scret u per telefon entochen ils **31 d'october 2009** al cau dil menaschi stradal (tel. 081 936 30 79 ni 079 638 18 19).

Sumvitg, 30-10-2009

Departament stradal

Rimnada da pupi

Nus rimnein pupi e cartun, **venderdis ils 6 da november 2009**. La rimnada a Sumvitg, Cumpadials, Surrein e Rabius (cun uclauns) vegn fatga dallas scolas dalla vischnaunca. La scola da Sumvitg rimna gia il avonmiezdi; Rabius e Surrein rimnan il suentermiezdi. Il rimnaders supplicheschan da ligiar il pupi ed il cartun separat e bein. Per Vossas breigias engrazian il responsabels gia ordavon.

Sumvitg, 30-10-2009

Scolas dalla vischnaunca da Sumvitg

Donaziun fundaziun Greina

Sefundond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november** digl onn precedent cul formular corrispundent. Nus supplichein per notizia da quest avis.

Sumvitg, 30-10-2009

Cumissiun Greina

Uniun da catschadurs Greina, Sumvitg

www.catschadurs-greina.ch

Invitaziun alla tgira d'atun sonda, ils 31 d'october 2009 dallas 7.30–13.00 uras. Nus serimnein allas 7.30 uras vi Sumvitg sil plaz scola. Nus selegrein da seveser cun Tei a caschun da nossa tgira d'atun! Cordialmein envida per la suprastonza *il president: Roland Tschuor*

Uniun samaritana Sumvitg

Igl exercezi meinsil dil november ha liug **mardis, ils 3 da november allas 19.55** a Rabiun el local samaritan.

Uniun sportiva Rabiun

Gimnastica per carschi a Rabiun

Sut nies motto «in saun spért en in saun tgierp» organisein nus puspei la gimnastica per giuven ed ils restai giuven. **Umens e dunnas** naven da 16 entochen 99 onns che han plascher da semover e separticipar activamein en sports polivalents ein cordialmein envidai, naven dils 28 d'october 2009 mintgamai la mesjamna naven dallas 20.00. Prendei la pusseivladad da guder ina purschida cheu el vitg.

Liug: sala da gimnastica Rabiun

Segirada: ei caussa da mintgin

Cordialmein envida *Uniun sportiva Rabiun: il comite*

Uniun sportiva Rabiun: Gimnastica d'affons

L'uniun sportiva Rabiun USR organisescha puspei la gimnastica per ils affons. Els han la pusseivladad da s'occupar sin ina moda prudenta el vitg. Buobs e buobas che han plascher dil sport e da semover activamein en modas polisportivas ein cordialmein envidai. **L'emprema tochen e cun la quarta classa** serimnan naven dils 28 d'october 2009 mintgamai la mesjamna naven dallas **17.00 tochen las 18.00** en sala da gimnastica a Rabiun.

Menadras: Iris Deplazes ed Anja Cabalzar.

La 5avla tochen la 9avla classa entscheivan ils 28 d'october mintgamai la mesjamna naven dallas **18.45 tochen las 19.55**. Affons dalla vischnaunca Sumvitg naven dalla 5avla classa astgan era far part!

Menaders: Ursin Bearth e Renato Monn. Impurtont: **segirada ei caussa da mintgin!**

Resti da gimnastica e calzers da halla cun sola clara. Per ulteriuras damondas stein bugen a disposiziun, tel. 081 936 30 66. En num dall'uniun sportiva Rabiun USR selegran *ils menaders: Iris, Anja, Ursin e Renato*

Uniun sportiva Rabius

Invitaziun alla radunonza generala **sonda, ils 7 da november 2009 allas 18.00 uras** ella ustria Surselva a Rabius.

Tractandas:

1. Beinvegns ed appel
2. Elecziun da dumbravuschs
3. Mutaziuns
4. Prelecziun ed approbaziun dil protocol
5. Rendaquen
6. Rapport dils revisurs ed approbaziun dil quen
7. Rapport annual dil president
8. Elecziuns
 - president/a
 - cassier/a
9. Rimnar pupi/cartun
10. Program da lavur
11. Varia

Suenter la radunonza offerescha l'uniun a tuts presents ina buna tscheina. A stedia participaziun envida e salida Vus cordialmein *Uniun sportiva Rabius USR: la suprastonza*

Referat per geniturs ed educaturs

tier la tematica: **Diever da medias da massa d'affons e giuvenils: influenzas e rescas.**

Tgei influenzas, tgei aspects positivs e negativs ha il diever dils mieds da massa sil svilup d'affons e giuvenils? Co san geniturs ed educaturs reagir sin basegns e giavischs da lur affons? Tgei libertads e tgei cunfins ein adattai? Il referat ha liug **mesjamna, ils 4 da november 2009** allas 20.00 uras en casa da scola a Sumvitg culs referents dr. Felix Böhringer e Silvana Calanchina, responsabels pil survetg psichiatric da giuvenils cantunal. Cordialmein envidan la menadra ed il menader dallas vischnauncas da Sumvitg e da Trun

Acziun da spender saung

Mira sut Trun.

Club da ballapei Trun/Rabius

Campionadi da ballapei

Mira sut Trun.

Biblioteca Trun

Mira Sut Trun

Biblioteca populara, Mustér

Mira sut Disentis/Mustér.